

KELICAP BAKAU
Copper-throated Sunbird

FAMILI: Nectariniidae
NAMA SAINTIFIK: *Nectarinia calcostetha*

CIRI-CIRI

Bagi burung jantan, ia mempunyai ekor yang panjang, keseluruhan badan berwarna gelap dengan bahagian atas kepala, atas bahu dan atas ekor berwarna hijau. Diperhatikan, bahagian tekak dan atas dada berwarna tembaga kemerahan. Bagi burung betina pula, ia mempunyai bahagian atas kepala dan tepi kepala berwarna kekelayuan, tekak berwarna putih, bahagian bawah badan hampir keseluruhannya berwarna kuning dan mempunyai ekor yang panjang. Anggaran saiz bagi burung dewasa adalah 14 sm.

MAKANAN

Spesies ini memakan serangga-serangga kecil dan juga nektar.

HABITAT

Spesies ini boleh ditemui di hutan paya bakau, kawasan semak di pesisiran pantai, hutan sekunder dan juga kawasan perladangan. Spesies ini boleh dijumpai sehingga 915 m dari aras laut.

PEMBIAKAN

Musim pembiakan bagi spesies ini adalah dari bulan Januari hingga bulan September pada setiap tahun. Sarang adalah berbentuk berbetuk loket dengan terdapat lalauan masuk di bahagian atasnya. Ketinggian sarang adalah di antara 0.6-2.5 m dari aras tanah. Burung betina boleh menghasilkan 2 biji telur pada setiap kali ianya bertelur dan telur adalah berwarna batu yang pudar dengan terdapat bintik-bintik berwarna coklat keunguan pudar dan ungu pekat. Anggaran saiz telur adalah 15.0 x 11.2 mm.

STATUS

Akta 76/72, dipelihara sepenuhnya.